



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XL.

urn:nbn:de:hbz:466:1-11453

dè maiori apparatu, quod in Scandalia diximus, & nunc paucis ad sequentem annū repetamus, regē ipsum superārit.

CAPVT XL.

Henricus Palatinus comes, qui iam solus ex Henrici Leonis filiis supererat, sine prole mascula moritur, vicesimo septimo post mille ducentos, & perinde Bremensis archiepiscopus comitatum Stadensem diū variè iactatum recuperauerit. Henricus Leo primus illum per arma vendicauit: Indè pulso illo in Angliam, Adolphus tertius Holsatia comes, illum deditū ex Henrici custodibus per arma occupauit: vnde illum recepit Henricus Palatinus Leonis filius. Waldemar quoque Slesuicensis episcopus, tunc electus Bremensis, aliquoties accepit: sed in hunc vsque diem in manu Palatini permansit. Nam à diebus Luderici ducis, postea imperantis, qui, vt diximus, capto Liemaro archiepiscopo in illius redemptionem accepit aduocatiā Bremensem: & deindè per potentiam Henrici Leonis accepit ducibus comitatus iste Stadenfis. Vnde factum est, vt tres Henrici Leonis filij ita partirentur paternam ditionem, quod Ottoni proueniret Brunsvicum cum attinentijs, Willelmo Luneburgum cum terra sua, Henrico Stadium & Brema cum pertinentijs. Sed cum sine virili prole Henricus decederet, pactus est ecclesia reddere sua iura: & ex pacto, quod idem praesente Imperatore Friderico II. cum Gerhardo fecerat archiepiscopo, idem nunc comitatus, Henrico moriente, ad ecclesiam redibat, vnde postea non est auulsus. Quo etiam tempore, cum Fridericus Imperator expeditionem in terram sanctam promulgari fecisset, multi se principes eidem peregrinationi accinxissent, inter

alios Ludonicus Thuringia Landgravius, beatæ Elisabethæ maritus, in portu nauigaturus moritur: & Imperator, quæ reliquit arma, & in auro argentoque iocalia, omnia iussit confiscari: Cùm interim Henricus rex, Imperatoris filius, ~~Brunsvicum occupare contenderet,~~ quoddam eam precio comparasse diceretur à seniore filia Henrici Palatini morientis. Ad eandem quoque possidendam iure contendebat dux Bauaria, qui minorem eiusdem Henrici filiam teneret coniugem. Cùmque hæc principes molirentur, Otto princeps Luneburgensis, ~~Wilhelmi filius, Leonis nepos, omnes præuenit: & ingressus urbem, eam magnifice defendit. ut frustrarentur,~~ qui vel armis, vel emptionis, vel successionis titulo conabantur occupare: Factusque est primus utriusque possessor ditionis, ~~Brunsvici & Luneburgi, post avum suum.~~ Titulus autem ducatus, qui vacabat à tempore destituti Leonis, per Fridericum II. illis reddebatur: quod statim dicemus. Hic ergo Otto solus mascula stirpe remansit ex successione Leonis: Nam Otto Imperator, & Henricus Palatinus sine virili prole, ut diximus, decessere. ~~Saxoniæ autem titulum tum Albertus habebat Bernardi filius: quem quidem Albertum ducem Nordalbingi vocauerunt: ut, quoniam regi Danorum iam rebellare ceperunt, Lubicam atque Raceburgum illi consignarunt.~~ Dominos autem Nordalbingiæ vocant annales eos, qui intra Albim & Daniam aliquid ditionis tenuerunt. Hi fuere Adolphus iam eius nominis quartus, Henricus de Warle, de Zwerino, & Raceburgo comites: Instabat enim bellum maximum, quod totis Daniæ regni viribus imminebat.